



# ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիփի 1

№ 6059-Ա

29 օգոստոսի  
« » 2012 թ.

## ՈՒԺԵԴ ԵՐԿՐԱՇԱՐԺԻ ԴԵՊՔՈՒՄ ԵՐԵՎԱՆ ՔԱՂԱՔԻ ԲՆԱԿՉՈՒԹՅԱՆ ՏԱՐԱԾԱՆՄԱՆ ԴԼԱՆՑ ՀԱՍՏԱՏԵԼՈՒ ՄԱՍԻՆ

«Արտակարգ իրավիճակներում բնակչության պաշտպանության մասին», «Սեյսմիկ պաշտպանության մասին» Հայաստանի Հանրապետության օրենքների և Հայաստանի Հանրապետության կառավարության 2011 թվականի հունիսի 10-ի «Ուժեղ երկրաշարժի դեպքում ՀՀ բնակչության պաշտպանության կազմակերպման պլանը հաստատելու մասին» N 919-Ն որոշման կատարումն ապահովելու նպատակով՝

### 1. Հաստատել՝

- 1) ուժեղ երկրաշարժի դեպքում Երևան քաղաքի բնակչության պաշտպանության կազմակերպման պլանը՝ համաձայն N 1 հավելվածի /իր հավելվածներով/.
  - 2) ժամանակավոր կացարանի անձնակազմի գործառնական պարտականությունները՝ համաձայն N 2 հավելվածի.
  - 3) տարահանման միջոցառումների ապահովման պլանը՝ համաձայն N 3 հավելվածի,
  - 4) բնակչությանը տարահանման վայրերի և երթուղիների մասին տեղեկացման թերթիկի օրինակելի ձևը՝ համաձայն N 4 հավելվածի.
  - 5) կամավորների ներգրավման ուղեցույցը՝ համաձայն N 5 հավելվածի.
  - 6) տարահանման վարժանքների անցկացման մեթոդիկան՝ համաձայն N 6 հավելվածի.
  - 7) տարահանման հիմնական երթուղիների ցանկը՝ համաձայն N 7 հավելվածի.
  - 8) ժամանակավոր կացարանների ծավալման համար նախատեսվող տարածքների ցանկը՝ համաձայն N 8 հավելվածի.
  - 9) Հանդերձանքով, սննդով, տեխնիկայով, վառելիքարտուկային և այլ նյութական միջոցներով ապահովման հայտի օրինակելի ձևը՝ համաձայն N 9 հավելվածի:
2. Բոլոր հիմնարկ ձեռնարկությունների, կազմակերպությունների, ընկերությունների (անկախ և էփականության ձևից) դեկավարներին՝
- 1) 12-ամսյա ժամկետում մշակել տարահանման կազմակերպման համար անհրաժեշտ փաստաթղթեր և համաձայնեցնել Երևան քաղաքի փրկարարական վարչության հետ,
  - 2) առնվազն տարին մեկ անգամ անցկացնել տարահանման վարժանքներ,
  - 3) մշտապես համագործակցելով վարչական շրջանների դեկավարների հետ՝ իրականացնել տարահանման ապահովումը,
  - 4) միջոցառումների լիարժեք իրականացման համար կազմել անհրաժեշտ միջոցների հայտեր և ներկայացնել վարչական շրջանների դեկավարներին:
3. Վտանգավոր օբյեկտների տնօրեններին վերականգնել և պատրաստականության վիճակում պահել բնակչության ազգարարման միջոցները:
- 4) Երևան քաղաքի վարչական շրջանների դեկավարներին՝
- 1) կազմակերպություններից ներկայացված հայտերի հիման վրա կազմել ամփոփ հայտ՝ անհրաժեշտ միջոցների ձեռքբերման, կուտակման և պահպանման համար,

- 2) անօթևան բնակչության համար, սեփական որոշմամբ, ստեղծել լրացուցիչ տեղաշխման վայրեր՝ համաձայն N 10 հավելվածի և 1 ամսվա ընթացքում փաստաթղթերը ներկայացնել հաստատման՝ տարահանման հանձնաժողովի նախագահին,
- 3) բնակչության տեղեկացման թերթիկների միջոցով ապահովել տարահանման վայրերի վերաբերյալ տեղեկատվությունը,
- 4) սեփական որոշմամբ սահմանել երկրորդական երթուղիների ցանկը՝ ճանապարհների 8 և ավելի մետր լայնության սկզբունքով և մշտապես իրականացնել տարահանման երթուղիների բարելավում,
- 5) անհրաժեշտության դեպքում իրականացնել տարահանման երթուղիների երկայնքով շենքերի ամրացում,
- 6) նախապատրաստել տարահանման վայրերի համար բաց տարածքներ,
- 7) իրականացնել տարահանման վայրերի բարելավման աշխատանքներ:
5. Տարահանման հանձնաժողովի նախագահին՝ կազմակերպել կամավորների ներգրավումը և ստեղծել պատասխանատու մարմին, կամավորների համակարգման համար:
6. ՀՀ ոստիկանության Երևան քաղաքի վարչության պետին և Երևանի քաղաքապետարանի աշխատակազմի առողջապահության վարչության պետին՝
- 1) ապահովել լրացուցիչ տարահանման կետերն անձնակազմով,
  - 2) կազմակերպել անձնակազմի ուսուցում:
7. Երևանի քաղաքապետարանի աշխատակազմի կոմունալ տնտեսության, շինարարության և բարեկարգման վարչության պետերին, «Երքաղլույս» ՓԲԸ-ի տնօրենին՝
- 1) ժամանակավոր կացարանների վայրերն ապահովել կենսաապահովման անհրաժեշտ իրերով,
  - 2) տարահանման երթուղիներն ապահովել շուրջօրյա լուսավորությամբ և անցանելիությամբ:
8. Երևանի քաղաքապետարանի աշխատակազմի տրանսպորտի վարչության պետին՝
- 1) ապահովել տրանսպորտի տրամադրման վերաբերյալ համաձայնագրերի կնքում՝ տրանսպորտային ընկերությունների հետ,
  - 2) մշտական հսկողություն սահմանել տարահանման երթուղիների շահագործման նկատմամբ:
9. Երևանի քաղաքապետարանի աշխատակազմի առևտրի և սպասարկումների վարչության պետին՝
- 1) ապահովել համապատասխան համաձայնագրերի կնքում՝ առևտրային և արտադրական ընկերությունների հետ,
  - 2) ապահովել «Միայն օգտագործվելու դեպքում վճարելու» քաղաքականությունը,
- 3) ապահովել պաշարների հոսքը տարահանման միջոցառումների բազմակողմանի՝ ապահովման համար նախատեսված սննդամթերքի, նյութատեխնիկական, ջրի և այլ պաշարների անխափան մատակարարման, պահպանման ժամկետներից ելնելով շրջանառության կազմակերպումն ու համալրումը,
- 4) որպես պահեստավորման վայրեր օգտագործել տարահանված բնակչության տեղաբաշխման կետերը՝ պատասխանատու նշանակելով տվյալ կետի դեկավարին,
- 5) մշակել պահեստավորման վայրերում անհրաժեշտ սննդամթերքի ցուցակը և քանակը:
10. Երևանի քաղաքապետարանի աշխատակազմի բնապահանության վարչության պետին՝ նախապատրաստել վայրեր ժամանակավոր կացարանների ծավալման համար:
11. Երևանի կառավարման տեխնոլոգիաների կենտրոն ՊՓԸ-ի տնօրենին՝ ստեղծել տարահանման կեկտրոնային քարտեզ և պարբերաբար թարմացնել:
12. Առաջարկել
- 1) ՀՀ արտակարգ իրավիճակների նախարարությանը՝
  - ա) իրականացնել տարահանման մարմինների պետերի մշտական ուսուցում.

- բ) նախապատրաստել պաշտոնատար անձանց խումբ և ելնելով տարածքային առանձնահատկություններից նշանակել պատասխանատուներ՝ «ՀՀ ԱԻՆ սեյսմիկ պաշտպանության ծառայություն» գործակալության միջոցով, արտակարգ իրավիճակներում վնասված շենք-շինությունների անվտանգության գնահատման համար:
- 2) «Արմենտել» փակ բաժնետիրական ընկերության տնօրենին՝
  - ա) ապահովել կապը տարահանման մարմինների միջև.
  - բ) ղեկավար կազմին ընդգրկել ազդարարման ցուցակներում:
  - 3) ՀՀ կրթության և գիտության նախարարությանը՝ «Նախնական գինավորական պատրաստություն» առարկայի «Արտակարգ իրավիճակներ» բաժնում նախատեսել ժամեր՝ տարահանման միջոցառումների ուսումնասիրման և գործնական իրականացման համար:
13. Հայաստանի Հանրապետության արտակարգ իրավիճակների նախարարության Երևան քաղաքի փրկարարական վարչության պետին՝
- 1) տարին մեկ անգամ սույն որոշման համապատասխան հավելվածներում կատարել ճշգրտումներ, իսկ անհրաժեշտության դեպքում՝ նախապատրաստել փոփոխություններ և լրացնումներ կատարելու մասին որոշման նախագիծ.
  - 2) կազմակերպել բնակչության անհատական պահեստավորումների խրախուսում.
  - 3) կազմակերպել բնակչության ուսուցում:
14. Սույն որոշման կատարման կազմակերպումը դնել Երևան քաղաքի փրկարարական վարչության պետ, փ/ծ գնդապետ Ս. Ղազարյանի վրա:
15. Սույն որոշման կատարման պատասխանատվությունը դնել Երևանի տարահանման հանձնաժողովի նախագահի վրա:
16. Որոշման կատարման հսկողությունն իրականացնում է Երևանի քաղաքապետը:

ԵՐԵՎԱՆԻ ՔԱՂԱՔԱՊԵՏ

ԵՐԵՎԱՆ ԶԱՂԱՔԱՊԵՏԱՐԱՆ  
ԱՐՏՈՒՐ ՂԱՅԱԳՅՈՒԹՅՈՒՆ  
ՆԵՐԱԿԻ, ԸՆԴԱՑՈՂԱԿԱՆ  
ԴՐԱՎՈՐՄԱՆ ՀԱՄԱՐ

Տ.ՄԱՐԳԱՐՅԱՆ